



I. ATALA
BIZKAIKO LURRALDE HISTORIKOKO FORU ADMINISTRAZIOA
Bizkaiko Foru Aldundia

Herri Administrazioarako eta Erakunde Harremanetarako Saila

Bizkaiko Foru Aldundiaren Erabakia, 2019ko apirilaren 9an, Bizkaiko Foru Aldundiaren 2019ko aurrekontu-ekitaldirako Enplegu Publikoaren Eskaintza.

ERABAKIA

1. artikulua

Euskal Funtzio Publikoari buruzko uztailaren 6ko 6/1989 Legearen 22tik 24ra bitarteko artikuluetan, Enplegatu Publikoaren Oinarrizko Estatutuari buruzko Legearen testu bategina onesten duen urriaren 30eko 5/2015 Legegintzako Errege Dekretuaren 70. artikuluan, Estatuko 2018. urterako Aurrekontu Orokorrei buruzko uztailaren 3ko 6/2018 Legearen (2019rako luzatua) 19. artikuluan eta Bizkaiko Lurralde Historikoaren 2019. urteko aurrekontu orokorreari buruzko abenduaren 27ko 8/2018 Foru Arauaren 17. artikuluan xedatzen dena betez, Bizkaiko Foru Aldundiaren Enplegu Publikoaren Eskaintza onesten da 2019ko ekitaldirako, erabaki honetan ezartzen den eran.

2. artikulua

Enplegu publikoaren eskaintza honetan, aurrekontuko zuzkidura duten plaza hutsak sartzeko dira; erabaki honen eranskinean agertzen da haien kuantifikazioa, eskala, azpieskala, mota eta espezialitateetan sailkatua. Beraz, konprometitutako plazei gehi gehienez ere gainerako plazen ehuneko hamarrari dagozkien hautaketa-prozesuetarako deialdia egin beharko da. Plaza huts horiek ez daude beste ezein enplegu-eskaintzatan edo deialdi-prozesutan konprometiturik.

3. artikulua

1. Euskal Funtzio Publikoari buruzko uztailaren 6ko 6/1989 Legearen zazpigarren xedapen gehigarria eta arloan aplikatzekoa den gainerako araudia (Desgaitasuna duten pertsonen eskubideei eta haien gizarteratzeari buruzko Lege Orokorra, azaroaren 29ko 1/2013 Legegintzako Errege Dekretuak onetsi zuena) betez, lanpostu hutsen erreserba bat egiten da %33ko desgaitasuna edo handiagoa duten pertsonekin betetzeko, baldin eta pertsona horiek hautaketa-probak gainditzen badituzte eta, dagokion unean, aplikatu beharreko legeak ezarritakoaren arabera ziurtatzen badute desgaitasun-maila hori dutela eta desgaitasun hori bateragarria dela egin beharreko lan eta eginkizunekin. Era berean, Enplegatu Publikoaren Oinarrizko Estatutuari buruzko Legearen Testu Bategina onesten duen urriaren 30eko 5/2015 Legegintzako Errege Dekretuaren 59. artikuluan ezarritakoa betez, honela egingo da plazen %7ren gutxieneko erreserba: desgaitasun intelektuala duten pertsonen betetzeko izango da eskainitako plazen %2 gutxienez; gainerako plazak, berriz, beste edozein desgaitasun mota dutenek betetzeko izango da. Plaza-erreserba horretan, 2019. urterako eskaintzen diren plaza guztien %7 gordeko da, eta dagokien deialdietan ezarriko da nola banatuko diren.

2. Desgaitasuna duten pertsonentzat erreserbatutako plazak sarrera arrunteko plaza-deialdietan sartu ahal izango dira, edo aparteko txanda batean.

3. Desgaitasuna duten pertsonak gainerako hautagai guztien baldintza berberetan onartuko dira Foru Aldundiak deitutako hautaketa-prozeduretan.

4. Desgaitasuna duten pertsonen eskatuz gero, denbora eta baliabideak egokitu dira hautaketa-probak egin ahal izateko, betiere horrekin proben edukia hutsaltzen ez bada edo eskatzen den maila murriztu edo gutxitzen ez bada.

5. Artikulu honen ondorioetarako, desgaitasuna duten pertsonentzat joko dira izatera hori edo %33ko edo gehiagoko desgaitasun-maila organo eskudun batek aitortua



dutenak, 1999ko abenduaren 23ko 1971/99 Errege Dekretuaren arabera. (IMSERSO, Bizkaiko Foru Aldundiko Gizarte Ekintza Saila edo baliokidea).

6. Aurreko puntuetan adierazitako kasuetan, desgaitasuna duten pertsonentzat erreserbatutako plaza eskatzen dituzten hautagaiek honako hau egiaztatu beharko dute, organo eskudunek emandako ziurtagirien bidez: batetik, desgaitasun hori badutela eta, bestetik, eskatutako plazetan egin beharreko lanak eta eginkizunak egiteko gaitasuna dutela.

4. artikulua

Giza Baliabideen Planetik eratorritako barne-sustapeneko deialdietan izan ezik (deialdi horiek beren araudia dutelako):

1. Plazen izaera irekia gorabehera, deialdi bakoitzean deitutako plaza hutsen artean egokituz jotako kopurua erreserbatu ahal izango da barne-sustapeneko sistemaren bidez betetzeko.
2. Barne-sustapenaren bidez sartzeko, probak gainditu behar dira. Kasu bakoitzeko eskala, azpieskala, mota eta espezialitatean sartzeko deialdian ezarriko dira proba horiek.
3. Barne-sustapenerako erreserbatutako plazaren bat hutsik geratzen bada, txanda askeko plazei gehituko zaie.
4. Estatuaren 2018. urterako Aurrekontu Orokorrei buruzko uztailaren 3ko 6/2018 Legeak (2019rako luzatua) 19.bat.7 artikulua azken paragrafoan zehazten duenez, barne-sustapeneko sistemaren bidez hornitzeko erreserbatzen diren plazak, Giza Baliabideen Planetik eratorritakoak zein, aurreko ataletan adierazi denaren arabera, deialdi bakoitzean horretarako erreserbatzen direnak ez dira kontuan hartuko birjarpen-tasak ekarritako plazen gehieneko mugaren barruan. Eskaintza honen ondoriozko deialdietan, aurrez ikusten da gutxienez ere 10 plaza barne-sustapenaren bidez betetzea.

5. artikulua

1. Euskal Funtzio Publikoari buruzko 6/1989 Legearen V. tituluan xedatzen dena eta Euskal Autonomia Erkidegoko herri administrazioetan euskararen erabilera normalizatzeko prozesua arautzen duen apirilaren 15eko 86/1997 Dekretuan ezartzen dena betetzeko (aipaturiko 6/1989 Legearen 97.5 artikulua eta dekretu horren 27. artikulua lotuz), eta kontuan hartuta enplegu-eskaintza plazak deitzeko dela eta ez zuzenean lanpostuak deitzeko, egun lanpostuen hizkuntza-eskakizunak lanpostuen zerrendetan adierazita daudela eta Eusko Jaurlaritzako organo eskudunek epe honetan dagoeneko onartu diren lanpostuei buruz emandako txostenekin bat datozela, enplegu publikoaren eskaintza honetan eskaintako plazen hizkuntza-eskakizunak eranskinean adierazita-koak izango dira.

2. Derrigorrezko hizkuntza eskakizuna duten plazetan, hizkuntza eskakizuna nahitaez bete behar da plazara sartzeko, eta egiaztatena deialdiaren oinarrietan zehaztutako eran egingo da.

3. Eskaintako gainerako plazetan, euskararen ezagutza merezimendutzat joko da. Ehuneko hori ez da inola ere hautaketa-prozesuaren gainerako ariketetan guztira gehienez lortu daitekeen puntuazioaren ehuneko bost baino txikiagoa izango, ezta ehuneko hogeitau baino handiagoa ere, honako eskala honen arabera:

- 1. hizkuntza-eskakizuna: %5etik % 10era.
- 2. hizkuntza-eskakizuna: %5etik % 10era.
- 3. hizkuntza-eskakizuna: %11tik % 20ra.
- 4. hizkuntza-eskakizuna: %11tik % 20ra.

6. artikulua

1. Edonola ere, Enplegatutako Publikoaren Oinarrizko Estatutuari buruzko Legearen Testu Bategina onesten duen urriaren 30eko 5/2015 Legegintzako Errege Dekretuaren



10.1.c) artikuluan eta Euskal Funtzio Publikoari buruzko Legearen hamazazpigarren xedapen gehigarrian xedatutakoaren arabera, bitarteko funtzionarioak izendatu ahal izango dira aldi baterako programak garatu ahal izateko, bai eta urriaren 30eko 5/2015 Legegintzako Errege Dekretuaren 10.1.d) artikuluan xedatutako gehiegizko zereginak edo zeregin-pilaketa betetzeko ere; baina kasu hauetan baino ezin izango dira bete plantillan hutsik dauden plazak bitarteko funtzionarioen bidez: karrerako funtzionarioen bidez plazak bete ez direnean edo aldi baterako absentsia dela-eta haien plazen eginkizunak betetzeko.

2. Bitarteko funtzionarioek honako kasu hauetan galduko dute berez beren kargua: dagokion deialdian gainditu duten hautagaiak karrerako funtzionario karguaz jabetzen direnean, ordeztzen duten funtzionarioa itzultzen denean eta, edozein kasutan, izendapena eragin duten premiazko arrazoiak edo beharrianak desagertzen direnean. Horrez gainera, Enplegatu Publikoaren Oinarrizko Estatutuari buruzko Legearen Testu Bategina onesten duen urriaren 30eko 5/2015 Legegintzako Errege Dekretuaren 10.1.c) artikuluan eta Euskal Funtzio Publikoari buruzko Legearen hamazazpigarren xedapen gehigarrian xedatutakoaren arabera, bitarteko funtzionarioak izendatzen direnean aldi baterako programak garatu ahal izateko eta Enplegatu Publikoaren Oinarrizko Estatutuari buruzko Legearen Testu Bategina onesten duen urriaren 30eko 5/2015 Legegintzako Errege Dekretuaren 10.1.c) artikuluan xedatutako gehiegizko zeregin edo zeregin-pilaketetarako izendatzen direnean, programa eta izendapen horiek amaitzen direnean galduko dute kargua.

AZKEN XEDAPENA

Erabaki hau Bizkaiko Aldizkari Ofizialean argitaratzen den egun berean jarriko da indarrean.

Bibon, 2019ko apirilaren 9an.—Herri Administrazioarako eta Erakunde Harremanetarako foru diputatua, Ibone Bengoetxea Otaolea



ERANSKINA / ANEXO

ADMINISTRAZIO BEREZIKO ESKALA / ESCALA DE ADMINISTRACIÓN ESPECIALTEKNIKARIEN AZPIESKALA; MOTA: GOI-MAILAKO TEKNIKARIA
SUBESCALA TÉCNICA; CLASE: TÉCNICO/A SUPERIOR

Plazaren kodea Código plaza	Izena Denominación	Plaza kop. N.º Plazas	Hizkuntz eskakizuna Perfil lingüístico	Derrigorrezkoa Preceptivo	Derrigorrezkoa ez dena No preceptivo
1311116	Ekonomialaria Economista	9	3	8	1
1311106	Arkitektoa Arquitecto/a	2	3	2	
1311125	Industria-ingeniaría Ingeniero/a Industrial	1	3	1	
1311139	Medikua Médico/a	5	3	5	
13111179	Ingurumeneko goi-mailako teknikaria Técnico/a Superior Medioambiental	3	3	3	
1311173	Albaitaria Veterinario/a	2	3	2	
1311159	Agiritegiko teknikaria Técnico/a de Archivo	1	3	1	
1311166	Kultur proiektuen zuzendaritzako teknikaria Técnico/a Dirección de Proyectos Culturales	2	3	2	
1311165	Liburutegietako teknikaria Técnico/a en Bibliotecas	2	3	2	

TEKNIKARIEN AZPIESKALA; MOTA: TEKNIKARI ERTAINA
SUBESCALA TÉCNICA; CLASE TÉCNICO/A MEDIO

Plazaren kodea Código plaza	Izena Denominación	Plaza kop. N.º Plazas	Hizkuntz eskakizuna Perfil lingüístico	Derrigorrezkoa Preceptivo.	Derrigorrezkoa ez dena No preceptivo
1312208	Arkitekto teknikoa Arquitecto/a Técnico/a	6	3	6	
1312271	Erizaintzako diplomaduna Diplomado/a en Enfermería	2	3	2	
1312229	Industriako ingeniari teknikoa Ingeniero/a Técnico/a Industrial	8	3	8	
1312250	Kudeaketa administratibo finantzarioko teknikari ertaina Técnico/a medio de Gestión Administrativa Financiera	34	3	33	1
1312223	Topografiako ingeniari teknikoa Ingeniero/a Técnico/a Topógrafo/a	3	3	2	1
1312256	Katalogazioko teknikari ertaina Técnico/a Medio/a Catalogador/a	1	3	1	



ZERBITZU BEREZIEN AZPIESKALA; MOTA: ZEREGIN BEREZIAK
SUBESCALA SERVICIOS ESPECIALES; CLASE: COMETIDOS ESPECIALES

Plazaren kodea Código plaza	Izena Denominación	Plaza kop. N.º Plazas	Hizkuntz eskakizuna Perfil lingüístico	Derrigorrezkoa Preceptivo	Derrigorrezkoa ez dena No preceptivo
1321347	Zelataria Celador/a	8	3	7	1
1321191	Berdintasuna sustatzeko teknikari ertaina Técnico/a Superior de Igualdad	4	3	4	
1321350	Mantentze-lanetako Laguntzailes Ayudante de Mantenimiento	2	2		2

ZERBITZU BEREZIEN AZPIESKALA; MOTA: ZEREGIN BEREZIAK
SUBESCALA SERVICIOS ESPECIALES; CLASE: PERSONAL DE OFICIOS

Plazaren kodea Código plaza	Izena Denominación	Plaza kop. N.º Plazas	Hizkuntz eskakizuna Perfil lingüístico	Derrigorrezkoa Preceptivo	Derrigorrezkoa ez dena No preceptivo
1323805	Barazkigintza eta frutagintzako aguntzailea Auxiliar Hortofrutícola	2	2	2	

ADMINISTRAZIO OROKORREKO ESKALA / ESCALA DE ADMINISTRACIÓN GENERAL

TEKNIKARIEN AZPIESKALA / SUBESCALA TÉCNICA

Plazaren kodea Código plaza	Izena Denominación	Plaza kop. N.º Plazas	Hizkuntz eskakizuna Perfil lingüístico	Derrigorrezkoa Preceptivo	Derrigorrezkoa ez dena No preceptivo
1211169	Administrazio Orokorreko Teknikaria Técnico/a Administración General	14	3	12	2

- Estatuaren 2017rako Aurrekontu Orokorren 2018ko uztailaren 3ko 3/2018 Legearen 19.Bat.9 artikuluko tasa gehigarria.
- Tasa adicional del artículo 19.Uno.9 de la Ley 6/2018, de 3 de julio, de Presupuestos Generales del Estado para el año 2018.
- 2017ko abenduaren 31ren aurreko plazak.
- Plazas anteriores a 31 de diciembre de 2017.

ADMINISTRAZIO BEREZIKO ESKALA / ESCALA DE ADMINISTRACIÓN ESPECIAL

ZERBITZU BEREZIEN AZPIESKALA; MOTA: ZEREGIN BEREZIAK
SUBESCALA SERVICIOS ESPECIALES; CLASE COMETIDOS ESPECIALES

Plazaren kodea Código plaza	Izena Denominación	Plaza kop. N.º Plazas	Hizkuntz eskakizuna Perfil lingüístico	Derrigorrezkoa Preceptivo	Derrigorrezkoa ez dena No preceptivo
1321347	Zelataria Celador/a	7	3	6	1